

Mr. Metz.
von Sulzbach.

(o.l.) 1526.

J N
3353




100
100



08

17
18
19
20





Ein gründlicher vnder-
scheid von dem rechtgshaf-
ten glaubē/wider dieheüchler
vnd angenōmen weys der
falschen Christenhayt/
Durch Christannuz
Hiz von Salzpurg
Anno. 1.5.26.



Zum ersten.

Der Christenn glaub ist ain sicherung/
auffss wort vnd zusagen Christi sich
zuuerlassen. Sol nur yemant diß wort
fassen mit rechtgeschaffnem vngedich-
tem hertzen / somuß sein or zühören / ge-
legt sein / vom gehön der sorgen / vnd luste. Dann ge-
leych so wenig / wie der acker on die pflüg schare ver-
mag vermanigfältigten waizen tragen / gleich so we-
nig / mag ainer sagē / das er ain Christ sey / so er durch
sein creüz nicht vorhin entpfündlich würdt / Gottes
werck vnd wort zu erwarten. In sollicher verhar-
rung / erleidet der aufferwelt freünd Gots das wort /
ist nicht der gedichten zühörer ainer / sond ain emsig-
er schüller seins maysters / wellichen er mit vngesparr-
tem fleiß / allenthalben ansicht / auff das er ihm müg-
nach seinem masse in allē muster vergleicht werden.

Zum andern.

Was ain mensch höret oder sycht / das Christum
weyset / nympter an / züm wunderbarlichen gezeügt-
nis seins vnglauben dadurch zuueriagen / zu tödten
vnd zermalen. In der maß sicht er die ganngge haylig
geschrifft / wie ain zwayschneidendes schwerdt / dann
alles was darinnen ist / ist darumb das es vns allzeyt
ee würgen / dan lebendig machen soll. Ain vnuerfäch-
ter mensch das der mit Gottes worten vil bochen wil
wirt nichts außrichten / dan windfahen. Nach dem
das Got alle seine aufferwelten / auffss höchst vom an-
begin versücht hat / vnsonderlich sein es ainigen sumes
nicht gschonet hat / auff das er dz recht zil der seligk ait
solte sein / vnd weyssen den ainigen enngen weg / den
die wollustigen gschrifft gelerten nicht finden mügen
ewiglich

L 2, 1775



ewiglich. Darum mag ain aufferwöllter freünd Gotes also leychtlich nicht zum glauben kómen / wie vil leüt danon rhuimóig seind / so vil ist jr glaub hinderlister vnd ganz gedichtert. Es sey dann / das sie jres glaubens zítunfft vnd rechen schafft geben / wie vor allen die in der Bybel steen / geschehen ist. Ist es nymmer móglich / das man solliche wonsynnige / vnd gütdunckliche menschen solte vernünfftige Waiden / geschweygn dan Chriсте haissen. Solliche leüt seind die sich in den engel des lichts verwandlen / vor welchem wir vns sollen hüten / wie vor dem teüfel.

¶ Zum dritten.

Got ließ Abraham darumb ellend vnd gelassen werden / auff das er an keiner creaturen / sonder an Got allain solte sicher sein. Darumb ward er mit der zúfüg Gotes gepeinigt / so sie nu schier solt angen. Für die zúfügung / ward er gepeyniged in ain frómbdes land zu wandern / mit weit erstrecktem trost / welches nach dem lichte der natur weitlauffend befand / wie es der hailig Stephanus den zarten spizfingerischen gschrifft gelerten / in gschichten der borten Gotes für wirfft / Verdampft menschen wóllen allezeit sich in selbst fürhalten / vnd nicht destterweniger den hochgelassenen Christum fassen. Das zehend vnd aylfft capitel verfassen / das zwólfte des büchs der Schópfung do es alles gegen ainander gehalten wirt / das Abraham nach grossen jamer vnd erbeligkait / ward wurdig das er den tag Christi móchte sehen. Dann Gott hat von anbegin / Kayn annder weyß darzu gehabt. Ist das lichte der natur in Abraham also ernstlich vertilget / Was muß in vns geschehen?

¶ Zum vierdten.

A ij Moses

Moses der das erkantnis des falschen liechtes & natur durchs gesetz anzaygt/wolte der lebendigen zü sagung Gots nicht glauben. Dann in ime müste der vnglaub gang höchlich zü vorn erkent werden/solt er anderst vngedicht/sich auff got verlassen/das er sich erlich wüste/das der teüfel ihm kainen hunds lernmä vmschlug. Wöcht doch Moses Gott für ainen teüfel haben gehalten/wenn er der creatur hinderlist/vnd gots ainfältigkeit nicht erkent hete/nach der ordnung die in got vñ creaturen gesetzt ist. Wan schon die gāng welt etwas annympt/wie von Gott/kan es doch den armgaystigen nicht stillen/er besynde es dann/nach dem betrübnis.

¶ Züm fünfften.

Auffs kürzest/durchsehe ain yder fromer/byder aufferwöllter die Biblien on groll/sonderlichs gesüchs/so würdt er befinden/das alle vätter/die Patriarchen/Propheten vñnd sonnderlich die aposteln/gang schwerlich züm glawben kōmē seind. Kainer hat wöllen also hynein plazē/wie vnser wansynngē/wollustigen schweyne/die sich vom sturm wynnēt/vngstüme erschreckē/vñ vom gangen wasser & weishayt entsetzen/dann ire gewissen mercken wol/das sy zü letst in solchem ungewitter werden verderben. Darumb seynd sie mit allen iren verhayssungen geleych ainem nerischen mann/der auff den sand bawet/do fallenn alle gebew hernider zc.

¶ Züm sechsten.

Die botten Gottes hätten den trager des Euan gelij selbstgehört/vñnd Christus sagt zü Petro/das im weder blüt noch flaysch hette geoffenbart/sonder Gots selber. Dannocht vermochten sie an kainer züsa-
gung

gung zūhaltē/ dan mit schamrot werden/ vnd lester
lichem hinfalln/ auff das jr vnglaub so tieff gelücht
wurd/ dan sy wollten all mit ain ander nicht glaubn/
do er erstanden war/ das ers were/ sy mainten es we-
re ain gespenst/ oder betryegtnus/ vnd wir vnuer-
süchten menschen/ hallten also vil von vnsselber/ do wir
vns mit gedichtem glauben/ vnnnd mit außgedichter
barmhertzigkayt Gottes behelffen/ vnnnd nemen ain
natürlich promission/ oder zūsagung/ vnnnd wöllenn
darmitt den hymel stürmen. Ach nain aller liebsten
Christen/ last vns die hayligen Biblien darzū nütze/
do sie zū gschaffen ist zū tödten (wie oben gesagt) vnd
nicht lebendig zū machen/ wie das lebendig wort/ dz
ain läre seel hört. Last vns nicht ain stück hie/ das an
der dort nemen/ sonder in der leer des gaists/ vnd nit
des flayschs/ solchs zūsamen verfassen/ welchs in alln
orten der gschufft zū warten ist/ das sie tröstet vnder-
schrecket. Wa der hinderlistig glaub zū boden nicht
entdeckt wirt. Tympt man jmer das eüsserlich wort
an/ aber in dem vngwiter fält es dñr. Darum müs-
sen die leüt in die aller höchsten vnwüssenhayt/ vnnnd
verwunderung bracht werden/ sollen sie jres gedichte
glaubens anderst loß werden/ vnnnd mit dem rechthe-
schaffnen glauben recht vndericht werden.

¶ Zūm sybenden.

Ainem rechtuertigen prediger seind die wort Got-
tes nicht mitt honig süßen Worten/ vnd heüchlerey in
den mund gesetzt/ sonder mit ainem einbünstigen vn-
recht ernsthaftigen eysen/ die gedichtenn Christenn
auß zū wurzlen/ zū erbriechen/ zū uerströwen/ vnnnd zū
verstöben/ allen jhren bößwichtischen glauben/ den
sie durch hörē sagē/ oder auß den bücher von mensche
A iij gestolenn

gestolen haben/wie dückische diebe.

¶ Zum achten.

Die weil die arme ellende erbermliche/jamerliche
Christenheit iren schaden nicht erkent/ist ihr nicht zu
helffen. Die weil sie vnder der gestalt des warhafftigen
glaubens/gleich wie mit ainem schandreckel/iren
gedachten glauben nit wil lassen wegthün/ist jr weß
zu ratten noch zu helffen/ist aller gebrechen im selbig
en/das keiner der Türcken/Hayden/Juden/vnd
allen vngläubigē will/in der zukunfft seins glaubens
gleych sein/sonder ain jeder nuzet vnd buzet sich mit
seinem glauben vnnnd wercken/wellicher bayder er
weß grund noch boden wayst. Darin haben vnser
grobe thüpelische vätter alle welt(on sich allain) dem
teüfel gegeben/vnd niemands der rechen schafft ge
standen/darmit allen secten oder thaylungen vrsach
gegeben/den merern tail der ceremonien/Kirchen ge
bärden halben(vnangesehen weder gedichtenn noch
rechten glauben) vnains worden seind.

¶ Zum neunden.

Von sollichem missallenden greüwel zu helffen/ß
ellenden groben Cristenheit muß man zum ersten vor
allem aynen ernsthaften prediger zu hören/der mit
Johanne dem töuffer erbärmlich vnd cleglich schrey
inder wüsten den dollen do bendē hertzen ð mensche/
auff das sy die weise im werck gotes leren/wie sie gotes
worts mügen empfindlich werden/nach manigfäl
tiger bewegung/nach wellicher angesaget würt der
buñ der seligkayt/der sun Gotes/wie ain miltes lens
lin das seinen mund nicht auff gethon hatt/do es ge
schlachtet ward/vnd so es die sünd der welt getragen
hat/das wir mit im schaff vnseres todtschlahens den
gantzē

ganzen tag durch vñ durch sollē warnemen / wie wir
in vnsern leyden nicht sollen murren / vnd Erren wie
greynende hunde / sonnder wie schaff seyner wayde /
die er vns mit dem saltz seiner weißheit / in leyden vnd
nicht anders vortregt.

¶ Zum zehenden.

Dieschaff werden durch böse wayde vergiffret /
aber durch das saltz gespeysset. Das man ainensüssen
Christum der flayschlichen welt predigt / ist die höch-
ste vergiffret / die von anbegin den schäntlin Christi ge-
geben ist / dan durch solchs annemen / will der mensch
got sömig sein / so er nymer mer will / auch ganz nicht
begert Christ sömig zū werden / auch zū aller vnder-
sten ist er im selber nicht enlich / sonder wie ain Wol-
chelein oder Panther hier vnbestendig in allem sey-
nem sūnemen. Darumb hatt Christus mit fleysß ge-
sagt / Ain schaff hören mein stym / vnd volgen nicht
nach der stym ß frömbding / der ist ain frömbding /
der den weg zūm ewigē leben verwildert / laßt die do-
ren vnd disteln steen / vnd spricht / Glaub glaub. Hale
dich vest vest / mit ainm starcken starcken glauben / das
man pfäle in die erde damit stosse.

¶ Zum aylfften.

Was sol nit zūm fenster hineyn steygen / ainem an-
dern grund des glaubens / dann den ganzen Christū
vnd nicht den halbē haben. Wer den bitern Christū
nicht wil haben / würdt sich am honig zū tod fressen /
Christus ist ain egē stain / wie mitt dem im Pallieren
ist vmb gehalten / so muß der werck mayster auch mit
vns vmbhalten / auff das wir erwachsen zūm rech-
ten gebew des lebens. Es muß nicht ain meyl in da-
ran gebrechen / des ganzen lebens / das ain ied Christ /
durch vnd

„durch vnd durch anzusehen werde/ vnd dem selbigen nach seynem pfund oder maß auffs höchst gleych zu werden. Dañ wer mit Christo nicht stirbt/ kan nicht mit im auffstecken. Wie kan er dann in der warhait seins lebens sein/ der den alten rock kein mal aufgezogen hatt/ Darumb die do trösten/ ee sie betrüben/ seind dieb vnd mördere/ wöllen ee dann Christus köpfe wircken/ vnd wissen nit wo sie ja oder nayn zusagen.

¶ Zum zwölfften.

Kein wnsamer lyeb hatt Christus seynen aufferwelten erzaigt/ vnwandelbar mit seynem vatter/ dañ das er sie nach seynem fleysch hatt gemacht/ wie die schaff/ die da deinen in die tuchen/ den verdampft im widertayl/ das sie nur sinnen/ wie sie werden vertriben/ vmbungen/ vnd ihr gedächtnus von der erden werde auffgehoben/ vnd wer nach solcher weiß auff das lemlin sicht/ wie es die sünd der welt wecknimpt/ wirt sagen. Mit meinen oren hab ich gehört/ was die alten vätter in der Biblien mit Got/ vnd Got mit inē gehandelt hatt/ das kayner mitt im ains worden ist/ bis das er durch seyn leyden im ewig züstendig/ überwunden hatt/ das machet die erglastung Gottes im lyecht/ zum lyechtlangen. Das ist das/ do der Herr sagt. Die schaff die mir mein vatter gegeben hat/ kan mir niemant auß meiner hand reissen. Solchs worts auslegung ist die waid des schaffs/ das im himel verzaichnet ist. Dañ nach aller schlachtung sagts. O herre ste auff vom schlaff/ Warumb wendest du dein antlig von mir/ Hylff mir vñ deynes namens willen/ dz meine süß auff dē stain gegründet seind. Do wil ich dañ sagen/ Du hast allain gethon/ do will ich mir meine leffzen nicht lassen zūbinden/ die gerechtikayt/ die du allayn

allain anfacht/zünerkündigen/in deiner grossen kir-
chen.

Zum dreyzehenden.

Auff ainen solchen grund/würt gebawt die war-
hafftige Christenheit/die versehen ist zum ewigen le-
ben. Nach dem das man lerne hüten/vnd wegi hün-
den Sawrtayg der böswichtischen gelerten/die auch
die rayne wort gotes/mit jr wurt mressigen/lamen/
gotten machen zu sawerteyge/dann alle ire leere ma-
cht das sich die menschen falschs/inn ainer gedichten
weyse/mit vnuerlichtem glauben auff breyßen/vnd
maynen sie wöllenn aller anfechtung mannes genüg
seyn/mit yren promissien/so sie doch nicht lernen/wie
ain mensch möge darzu kommen.

Zum vierzehenden.

Sych ann/du auferwölter Brüder/das. 16. capittel
Wahrheit durch vnd durch in allen worten/da wirstu
finden das nyemandt in Christum glawbens kan/er
müß yme züuor gleich werden/durch den vnglauben
so ihn der auferwelt erfindet/verlast er alle seynen ge-
dichtenn glawbens. Alles das er nach der weyse der
gtschrifft gelernet/gehört/oder gelesen hat/dan er siche
das ain eüsserlichs gezeügnis kan in ihm kayn we-
sen machen/sonder dient allaine darzu do es geschaf-
fen ist. Darum kert er sich nicht an alles sagen der vn-
erfarnen menschen/sonder ist emsig auff die offenba-
rung/wie Petrus der für sye all herfür ferde/sagent.
Ich wayß fürwar das Christus des lebendigen Got-
tes sun ist. Dan der vnglawb in meinem flaysch vnnnd
blüt verdeckt/ist überwunden/fast zum rail durch die
begyre/die das senfft korn vnnnd güter sawrer tayg/
durch fressen vnnnd drincken/machen den durchbauch

B in allem

in allem vnglauben verzweyffeln/vnnd alle hohe ge-
gentayl / muß man erlitten haben. Es muß die helle
züm ersten erlitten werden /sol man sich anderst hüt-
ten vor der hinderlist der schlyngenden pforten. Es ist
nicht ain annemen des verdampften vnnd außervöl-
ten. Der gottlose nimpt die gschuffte an gern über die
masse/do ain ander vor in leydet /da barwt er ain star-
cken glauben/do es aber gilt anzusehen das Lẽmlin/
das das büch auffschleußt /do will er seyne seelenyche
verlieren/wil dem Lamb nicht gleich werden /vnnd
will mit seyner synlichen weyße sich mit klaren texten
behelffen/dz ist falsch. Wan dem geleerten/nach men-
schlicher weyße/sürgetragen wirt die ganze gschuffte/
so kan er sye doch nicht /solc er auch vonn ain ander
brechen /er muß erwarten das sie im eröffnet werde/
mit dem schlüssel Dauidis auff der kelttern/do er zer-
knitschet wirt /in aller seyner angenommen weyße /das
er also arm gaystig wirt/das er gar kaynem glauben
bey im befindet/dann allain das er gernn wolt recht
glawben. Das ist dan der glawbe der so klayne württe
wie ain senffkorn/do muß der mensch sehen/wie er dz
werck Gotes erdulde/das es von tag zü tag zuneme/
in der erkantnuß Gottes /do württ der mensch allain
von Gott gar mit aynander /vnnd von kayner crea-
tur geleert. Was alle creatur wissen /ist im ain bittere
galle /nach dem das es ist ayn verkerthe weyße /für
welcher Gott alle seyne außervölten behüte/vnnd er-
rette nach dem das sie darcin gefallen sein. Das gebe
Christus. Amen.

Nins lieber

Ein lieber brüder ist vergessen / in meiner antwort
auff das / das Christo allayn das leyden würt zuge-
legt / gleych wie wir nichts dö:ffen leyden / nach dem
er warhafftig für vnser sünde hat gelitten. Ist darü-
ber auff zumercken / auß welcher zarthayt vnß solche
vnzymliche rhü in vnbillicher vortragung würt ent-
deckt. Adam ist ain muster Christi im schaden. Chri-
stus aber das gegentail der vngheorsam der creatur
würdt widerbracht / durch den gehorsam des wortes /
welchs flaysch ist worden inn natur wie vnser flaysch-
liche natur / züm tayl nach des glawbens wirkung /
müß im tayl abnemen / wie es im ganzen Christo als
ain haupt geschenn ist. Darumb hat Christus den
ganzgen schaden Adams gebüßt / das sich die taylor
züm gangen halten sollen / wie der haylig bot Gottes
klarlich sagt. Ich erfülle dz / dz dem leyden Christi in-
derstellig ist vor seinem leyb / daz ist die kyrche. Paulus
möchte für die kirchen nicht leyden / dann allain wie
ain gelid / das seines ampts wartet. Wir alle müßten
den süßstapffenn Christi nachfolgen / mit solchen ge-
dancken gerüstet sein / do hilfft kain gloße zu der men-
schen / die mit synlicher weyße die werckhayligenn ü-
berwinden / nach iren beduncken / so sye die welt nach
höcher vergiffen mit gedichtem glawbenn / dan die
andern mit tülpelischen wercken. Darumb dz in güts
vnterschieds gebreche / seynd sye noch Neophiti / das
seynd vnuerfüchte menschen / sollen kayne seelwarter
sein / sonnder noch lannege zeyt Catechumeni / das ist /
fleyßige schüler / seins görtlichen wercks vnd nicht er-
lernen / sie weren dan von Gott gelett. Amen.

Faint, illegible text, likely bleed-through from the reverse side of the page. The text is arranged in approximately 15 horizontal lines. There are several large, irregular brown stains on the page, particularly a prominent one in the lower center and another in the lower left corner.



4.
Di 3359

ULB Halle

3

003 992 330



298.



